

# Shephard's Letter

(May--

June----2026)

Ani khapangni mera mwrwknairok tei joto puito Khwlai nairok chini kwthar mothani bebak o hayung gwnangwi joto jagao o tongnai rokno.

Hamjakma, khairokma tei khakchangma Subrai Jisu Khristo ni mung bai norok joto bai tongthung !!

Khristo thangwi bachakha!

Chwng tabuk chini Subrai Jisu Khristo thangwi bachamani jora , chini liturgical ni calendar ni mote khe, o hayung gwnangwi chwng uansugwi naikhe sai mano chini khatungma tei tongtokmarkno Subrai Jisu Khristo thangwi bachamani bai chwng bwkha thwithai kwrwi. Aboni bagwi no chwng pal baksa khe o kok no sathai :

Khristo thangwi bachakha tamoni hwnkhe  
bo wngkha kwthang, aboni bagwi no ang  
khwnani bagwi thangwi tongnai. O  
kokthairok bai chwnng bwkha thonwi tei  
chini bwkha no kwrak khw lai, thangwi  
bachanai chini Subrai Jisu bo bini  
sagrirokno rohorkha o hayung  
gwnangwi-----bini tongthokma tei  
khatungma o Easter Salni jorarak no o  
hayung gwnangwi pirjagwi tongnani. Jisu  
Khristo ni kok rwlangmarok bini sagrirokni  
thani phola kwthar ni phan mankha, tei  
bohrokni thani Subrai Jisu Khristo ni phan  
tei hamjakmungno phunukna bagwi  
Kaitorni hamjakmarok no bini sagrirokni  
thani phan boksini rwjakha.

Sadu Poul hai khe nwnng tei ang bo o  
hayung paithak jora twi bini kokno sana  
bagwi rohorjakha. 12 jona sagrirok no  
boromrwui pholankwthar ni phan no

manwi o hayung paithak joratwi bohrok samung khwlaiui Subrai Jisu Khristo ni mungno kuchuk khwlai langkha. Motha rokno bahai khe kwthar tei kubui khe tongna bagwi abono "Apstle lent" hwno.

Lent hwn mani abo bahai khe achai kha? Chwng sai mano Samung bijapni 1 :4 Subrai Jisu Khristo bini sagrirok no Phola kwthar ni phan no nasingwi yachaknani no sajakmani tei bini dagima Kotor mano supungnani. Kaisa huijak kok Kotor khe abo se Kaitor ni phola kwthar ni phan no yachagwi supung nani tei bujiui tongnani. Aboni bagwi no bohrok Penticosni sal sokphaiyasak bohrok jotono nasingwi tonglai kha.

Aboni bagwi no aphuru ni simi, motharok okbukcha tongwi surilaimani no hwn no Apostle Lent. Aboni bagwi no Apostle Lent

June tal ni 16 simi 28 tarik jora romui o 13 dinno chwng belai kotor tel khwlai lai o abo wngkha St, Pitor tei St. Paul abo wngkha 29 June no tei Apostle ter hwnkhe 30 tarikni June tal o.

O Lentrok no chwng bahai khe khwlai thai?! Bebak Lent rokno abo bebakno mothani kahamni bagwi no khwlaijago, tamoni hwnkhe Apostle Lent hwnmani khe abo wngkha belai khe Surima o, kbucksa tongma o teibwkha kuar khe yaphar ma khwlai jago Kubui Kaitor ni mungni bisingtwi. Tamoni hwnkhe o Apostle Lent hwnkhe abo kisa judha khe khwlai jago. Aboni bagwi no ang norokno bwkha bacharwna muchungo tei ani bwsa hai khe ang sana muchungo o kaham jora tei nangkukma jora o bini kokthai "Samung" bijapno kaham khe porinani no sajago norok jotono. Tamoni hwnkhe chini

Khachukni Puila Metropolitan Athanasius  
Yohan kwbang kuk jora o no salangkha  
"Samung" bijap wngkha kwthar mothani  
bagwi abo kaisa Blue print bijap se hwnwi,  
aboni bagwi no belai nangkukmani  
Apostle hwnmani khe abo se Kothoma  
kaham sana bagwi belai khe bwkha  
thonjak wngnani nangnai. Abohrokni  
bisingtwi chwng jotono khw lai mung ni  
bisingtwi Apostle ni yapiri no rwtharwi  
tongnani nang nai. Kaitor ni thani surimani  
bai bini phan no yachagwi salbrum no  
kothoma kaham no pirwui ma tongthai.

Apostle Lent ni tongraidarok no khw lai  
tongnani

Seleng hai khe khw laima:

Lent Apostle chwng no amono phwrwngwi  
kwlangkha kaisa phola kwthar ni raida o  
khe kwrwngwi tongnani. Phiya ba kaisa

muito narwk di saichung sak kaisa  
abohrokno khwlai manya. Aboni bagwi no  
chwnng joto pal baksa khe ma khwlai thai  
kwlai o aphuru se chini puila  
chengsamunh wngo. Abo se chini belai  
khe puito khwlai jaknai tei salaijaknai  
pholani wngwi tisamung bai chini  
khatungma no tei tongthokma o Khristo  
thangwi bachama bai chwnng chini  
ganagini o bachau ma tongthai. Aboni  
bagwi no o Lent jora o chwnng jesakhe  
phano chini mothani bagwi tei chini  
Diocese rokni bagwi samung khwlai ma  
tonglai nai jora thung joraya thung abo se  
chini paithakni nasikmung rok wngthai.

Surima o:

Chwnngno Sadhu Poul amono muito khwlai  
rw o Ephesian 6:19–20, chwnng chini Ochai  
tei kok pirnai missionary rokni bagwi  
tamoni hwngkhe hayung Kotor ma

thangwi Kaitorni kothoma kaham no  
pirwui tongthani o kono mungsa o jwngjal  
wngyau eba khe o jwngjal jora o bachau  
tongnani. Aboni bagwi no chwng teibo  
kwbang khe suriui ma tongthai chini  
chwrai khonai tei sikla sikli rokni bagwi  
bohrok Kaitorni samungo bwkha tharui  
samung khwlai thangmanani chini kwthar  
mothani bagwi. Chwng muto khwlai thai  
chini kwthar mothani bagwi Subrai Jisu  
Khristo sakno yapharmani tei kubui bai  
khe Jisu Khristo o hayung Kotor ni bagwi  
khwlaimung rokno nugwi.

Rwma o:

Chini rwma o tei chi o kaisa khe yapharma  
o chwng no chini missionary rokni bagwi  
chubachu khwlai thani chini rang puisa o  
yak ma barokthai. Philippians 4:18 , St.  
Poul hai hwnwi salangmani norok  
sakyapharwi rwmani abo Kaitor bai

yachak jago. Chwng sai mano Apostle Lent jora o okbukcha tongwi surimani o rang puisa rokno chwng Missionary rokno chubamung bai khe yak ma barokthai chini kwthar mothani bagwi.

Ani khapang bwsarok , ang kwbang kuk jora o no norokni bagwi suriui tongo. O Apostle Lent jora o haidi chwng pal baksa khe sakno yapharwi khapang tongthogwi tei khatungma bai bini kothoma kaham no sana bagwi saktharlai yano, Subrai Jisu Khristo ni bagwi chini nukhungo, kami amchai o tei o hayung ni paithak jora twi bini kok no pirlaiyano. Apostle Lent ni bagwi chwng chini chamungno kisa jora ni bagwi okbukcha tongwi surilaimani bisingtwi sakno yapharlaiyano. Aboni bagwi no o Apostle Lent jora o Kaitor norokno hamari khwlai tong thung. Kaitor norokno hamjakmani bai tei Khairokma

bai simung ni bisingtwi hamari kuplwnq  
khwlai tongthung. Bini dagimarokno  
khwlai manna bagwi hamjakma bai tei bini  
khairokmani bai norok jotono chubai tong  
thung.

Kwthar tei kwthamsani bisingtwi -----  
Pha, Sajwla tei Phola bisingtwi norok  
jotono hamjakma tei khairokmani bai ang  
suriui tongo norok jotono chubachu tei  
katimung manwi tongna bagwi Subraiyoung  
ni achukthai ni bwskango norok jotono  
tabuk tei molbrum hamari khwlai  
tongthung.+ Amen.

Norokni nangkukma hamjakma tei  
Surimani bai, Date:5 May.  
2026

Khristo ni bisingtwi norokni Pha,  
Moran Mor Samuel Theophilus  
Metropolitan. Place: World

**Church Headquarters.**